



---

*Organizacioni odbor za pripremu i realizaciju Programa obilježavanja Dana Grada Sarajeva u 2019. godini*

Broj: 04-GV-05-292/19

Datum: 04.03.2019. godine

ZAPISNIK O RADU PRVE SJEDNICE  
ORGANIZACIONOG ODBORA ZA PRIPREMU I REALIZACIJU PROGRAMA  
OBILJEŽAVANJA DANA GRADA SARAJEVA U 2019. GODINI  
ODRŽANE 04.03.2019. GODINE

Prisutni:

1. Dr. Igor Gavrić, predsjedavajući
2. Ivica Šarić, član
3. Edina Gabela, članica
4. Samir Fazlić, član
5. Snežana Omukić, članica
6. Bajro Biber, član
7. Srđan Srdić, član
8. Tea Mušić, članica
9. Safet Krajišnik, član
10. Sead Srna, član
11. Vedran Dodik, član
12. Mira Jurić, članica
13. Miro Lazović, član
14. Prof. Dr. Velija Katica

Odsutni: Abdulah Skaka, član, Milan Trivić, član

Iz Gradske službe za Gradsko vijeće sjednici prisustvovala:

- Sanela Biber, stručni savjetnik za odnose sa javnošću

Predsjedavajući je pozdravio prisutne, otvorio sjednicu te utvrdio kvorum za punovažan rad i odlučivanje.

Bez rasprave, jednoglasno je usvojen Zapisnik o radu Konstituirajuće sjednice Organizacionog odbora za pripremu i realizaciju Programa obilježavanja Dana Grada Sarajeva u 2019. godini.

Sjednica je počela s radom jednoglasnim usvajanjem sljedećeg **dnevnog reda**:

1. Praćenje Programa obilježavanja Dana Grada Sarajeva u 2019. godini
2. Razmatranje molbe Udruženja studenata Elektrotehničkog fakulteta „STELEKS“ Sarajevo, za pomoć pri organizovanju Projekta „Steleksijada 2019“
3. Tekuća pitanja



### **Ad 1)**

Predsjedavajući Odbora je upoznao članove Odbora da je prijedlog za izvršenje nabavke za produkciju, organizaciju i realizaciju Svečane sjednice Gradskog vijeća Grada Sarajeva koja će se održati 06. aprila 2019. godine u povodu obilježavanja Dana Grada Sarajeva, broj: 11-14-1130/19 od 08.02.2019. godine u proceduri, o čemu će članovi Odbora biti detaljno upoznati na narednoj sjednici.

Potom je podsjetio članove Odbora na usvojene zaključke sa Konstituirajuće sjednice Odbora koji će biti sastavni dio Programa obilježavanja 6. aprila - Dana Grada Sarajeva u 2019. godini, a koji su upućeni Gradonačelniku na znanje, odnosno dalje postupanje, među kojima je i zaključak da se u Narodnom pozorištu, tokom obilježavanja Dana Grada Sarajeva, 04. i 05. aprila, organizuju adekvatni događaji (predstave, koncerti i sl.), za goste grada Sarajeva.

U diskusiji su članovi Odbora dopunili predloženi zaključak sa Konstituirajuće sjednice da Gradonačelnik, odnosno nadležna služba, poduzme sve potrebne aktivnosti kako bi se izvršila rezervacija Narodnog pozorišta u Sarajevu u cilju organizovanja prigodanog programa (filharmonije ili nekog drugog prigodanog programa) i koktela, za goste Grada Sarajeva, 05. aprila u večernjim satima.

Poslije diskusije iz koje su proizišli određeni prijedlozi, te sažetka Predsjedavajućeg, Odbor je jednoglasno usvojio sljedeće **zaključke**:

1. Potrebno je da Gradonačelnik, odnosno nadležna služba, poduzme sve potrebne aktivnosti kako bi se izvršila rezervacija Narodnog pozorišta u Sarajevu u cilju organizovanja prigodanog programa (filharmonije ili nekog drugog prigodanog programa) i koktela, za goste Grada Sarajeva, 05. aprila u večernjim satima.
2. Da JP BHT1 direktno prenosi Svečanu sjednicu Gradskog vijeća Grada Sarajeva koja se planira održati 06.04.2019. godine u Vijećnici.
3. Da se svečana večera za goste Grada Sarajeva i dobitnike priznanja i nagrada održi u restoranu u Malom Muzeju BiH.

### **Ad 2)**

Poslije rasprave i sažetka Predsjedavajućeg, jednoglasno je **zaključeno** kako slijedi.

1. U Program obilježavanja Dana Grada Sarajeva u 2019. godini uvrštava se i "Steleksijada 2019", sportska manifestacija koja će se održati u organizaciji Udruženja studenata Elektrotehničkog fakulteta Sarajevo "STELEKS", a koja okuplja veliki broj studenata Univerziteta u Sarajevu koji se takmiče u više sportskih disciplina kao što su šah, stoni tenis, basket, odbojka i dr.

### **Ad 3)**

Po ovoj tački dnevnog reda nije bilo zaključaka.

*Zapisničar*

*Sanela Biber*

*PREDSJEDAVALJUĆI ODBORA*

*Dr. Igor Gavrić, s.r.*